

Powšitkowne WOZJEWJENJA

njedźelu, 15. junija 2025

Z busom do Krupki

Na putniku Božu mšu srjedu, 23. julija, w 10.00 hodź. w Krupce pojedže zaso bus. Štóz chcył sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

300 lět bazilika w Hejnicach – serbski chór kemše wobrubu

W Hejnicach spominaja wutoru, 1. julija, na poswjećenje tamnišeje baziliki Marije wopytanja před 300 lětami. Litoměřicki biskop Stanislav Přibyl budže pontifikalnu Božu mšu w 16.30 hodź. swjećić. Nimo českeho chóra wobrubu ju tež chór něhdyšich člonow 1. kulturneje brigady pod nawodom cyrkwinskeho hudźbnego direktora Friedemanna Böhme. Kemšam přizamknje so kermušny swjedžen. Wšitcy su wutrobnje přeprošeni.

Kubłanje na polu prewencije přećiwo seksualizowanej namocy jako online-zarjadowanje

Prewencija přećiwo seksualizowanej namocy je wažny wobstatk džěla z džěćimi a młodžinu we wosadach. Zaměr je, nowu kulturu wzajomneje zhromadnosće wuwijać. Za to trěbne su preventiwne struktury a procesy. Worklečanske dekanatne dušepastyrstwo za džěći a młodžinu poskićuje k tutej temje kubłanje, kiž wotměje so online, a to pónđelu, 16. junija, wot 18.00 do 21.00 hodź. Zarjadowanje je winowatostne za wšitkich pomocnikow nabožnych prózdninskih dnjow we wosadach, ale tež za dalšich čestnohamtsce skutkowacych, kotřiž maja tam zwisk z džěćimi a młodostnymi, na přikład w sakristiji abo ze šolu. Přizjewjenja přijimaja so jenož online. Link k tomu je pod www.posol.de/wozjewjeny.

Džěłarnička: Katechezy za džěći wuhotować

Wotřad za džěći, swójby a młodžinu Drježdžansko-Mišnjanskeho biskopstwa přeprošuje wšitkich zajimcow na džěłarničku, hdžež katechezy za džěći w srjedžišću steja. Wone měrja so na wšitkich, kiž so we wosadach za džěći angažuja a na přikład swójbne kemše, nabožny prózdninski tydžeń abo přenje swjate woprawjenja kaž tež dalše zarjadowanja sobu přihotuja. Džěłarnička wobsteji z třoch modulow, kotrež hodža so w cyłku abo jednotliwje wopytać. Tajke wotměja so jónu wot pjatka wječora hač do njedžele připołdnja, 17. do 19. oktobra, tamnej wot pjatka wječora hač do soboty wječora, raz wot 21. do 22. nowembra a raz klětu wot 16. do 17. januara, stajnje w hóstnym domje dominikanow w Lipsku na Georga Schumannowej 336. Wobdžělnicy dóstanu zakładny zawod do katechezy, přiswoja sej wšelake metody a kmanosće nałożowanja a móža sej nazhonjenja wuměnjeć. Dale skići džěłarnička móžnosć za wobsahowe impulsy a praktiske zwučowanja. Zaměr je, swójski stil w katechezy namakać a wjeselo na wěrje z džěćimi džělić. Linkaj k flajerej z nadrobnjšimi informacijemi kaž tež k přizjewjenju stej pod www.posol.de/wozjewjenej.

800 lět wjes a wosada: Swjedženski program w Chróscicach

Wotběh swjedženskeho tydženja

njedźelu 15. junija

9.00 hodź. kemše z hosćimi (serbsce a němsce)

11.00 hodź. rańše piwko a wobjed

13.30 hodź. historiski swjedženski ćah
přizamknje so swačina na swjedženišću

póndźelu 16. junija

20.00 hodź. filmowy wječor w stanje

wutoru 17. junija

15.00 a 17.00 hodź. wodženje po přirodže
na hrodzišću w Kopšinje, prošu so pod
gemeinde@crostwitz.de abo pod čislom
(03 57 96) 9 62 10 přizjewić

18.00 hodź. wotewrjenje wustajeńcy Marija Ošiki
na gmejnskim zarjedže

srjedu 18. junija

9.00 do 11.30 hodź. dopołdno seniorow:
nyšpor w stanje, program pěstowarnje,
čitanje z jubilejneje knihi a přikusk

19.00 hodź. čitanje z jubilejneje knihi

štwórtk 19. junija, swjedžen Božeho ćěla

8.00 hodź. kemše z procesionom

14.00 hodź. nyšpor z procesionom

19.00 hodź. přednošk Moniki Gerdesoweje
„Chróscicy jako stacija na putniskim puću“

pjatk 20. junija

8.00 do 13.00 hodź. sportowy swjedžen zakładnych
šulow z Chróscic, Pančic-Kukowa a Worklec

sobotu 21. junija

wodychnjenje

njedźelu 22. junija, njedźela Božeho ćěla

9.00 hodź. kemše a procesion z nunciusom,
arcybiskopom dr. Nikolu Eterovićom a biskopom
Heinrichom Timmereversom; tež cistercienski
z klóštra Marijineje hwězdy so wobdžěla;

chór Lipa kemše wobrubí

11.00 do 13.30 hodź. wobjed a zhromadnosć
na swjedženišću

14.00 hodź. eucharistiski nyšpor z procesionom